


4844.5  
0146E

說帖

哥倫比亞大學  
中文圖書館藏



崇

陝西司奉嘉慶二十三年分卷上

大人交核陝西司題覆鄧八月生因姦謀殺氏子鄧  
丁娃斃命一案職等查此案鄧八月生因與無服族  
嫂馬氏通姦情密被氏子鄧丁娃窺破力勸其毋拒  
絕該犯續舊不遂輒起意將鄧丁娃謀殺致斃情節  
固屬淫兇惟律例內並無加重治罪明文且查定例  
姦夫商同姦婦謀殺子女滅口之案姦夫仍分別是  
否造意加功照謀殺造意加功本律科罪今該省將  
該犯鄧八月生仍照謀殺造意律擬斬監候似尚允

鈞

定

協應請照辦是否如斯恭候

年  
月  
日

彭

山東司奉

大人交核山東省安教聽從已故之張振布搶奪高  
郝氏一案職等查例載聚衆夥謀搶奪路行婦女或  
賣或自為妻妾者為首斬立決為從皆絞監候其有  
並非夥衆但強賣與人為妻妾者擬絞監候等語是  
搶奪路行婦女之案總以是否聚衆為斷此案安教  
先經聽從薛振倉行刦事主縱丹銘家該犯在外把  
風罪應擬遣嗣復聽從張振布搶奪路行婦女高郝  
氏已成結夥僅止二人不得謂之聚衆自應照搶奪

路行婦女並非夥衆但強賣與人為妻妾例分別首  
從辦理首犯張振布按例罪止絞候該犯安教為從  
罪應減等擬流仍應從重歸於行刦縱丹銘案內免  
死發遣今該省率照聚衆夥謀搶奪路行婦女已成  
之例復節刪例內聚衆夥謀四字將該犯安教擬以  
絞候並聲明張振布罪應斬決業已病故應毋庸議  
與例不符自應議駁謹另擬稿尾呈

恭候

閱  
鈞

定後交司遵辦

查例載聚衆夥謀搶奪路行婦女或賣或自為妻妾  
奴婢審寔不分得財與未得財為首者斬立決為從  
者皆絞監候其有並非夥衆但強賣與人為妻妾者  
絞監候等語是搶奪路行婦女之例重在聚衆夥謀  
四字必聚衆至三人以上方照例分別首從擬以斬  
絞若結夥未至三人無論已未嫁賣得財均應照並  
非夥衆之例科罪例義顯然不容牽混此案安教先  
經聽從已正法之薛振倉行劫縱丹銘家衣物該犯

在外犯風罪應擬遣嗣復聽從監覈之張振布沿途  
截搶共夥二人適遇高郝氏逃荒路過張振布起意  
搶奪賣錢分用遂同該犯將高郝氏搶至張振布家  
藏匿尚未嫁賣該犯因聞氏父控縣差緝告知張振  
布將高郝氏領出逃走旋被緝役撞獲該犯等商謀  
搶奪路行婦女已成結夥僅止二人不得謂之聚衆  
自應即照搶奪路行婦女並非夥衆但強賣與人為  
妻妾之例將首犯張振布擬以絞候從犯安教罪止  
滿流仍從重歸於行刦縱丹銘家案内擬以發遣今



該省刪去例內聚衆夥謀四字止引搶奪路行婦女  
等字釁明安教一犯除行劫在外把風罪止擬遣輕  
罪不議外將該犯照聽從強搶婦女擬以絞候並釁  
明起意搶奪業經病故之張振布罪應斬決核與定  
例不符罪關生死出入臣部未便率覆應令該撫另  
行按例妥擬具題到日再議

生  
館

直隸司奉

彭

大人交核直隸省李世得黑夜追毆服姪李柱誤扎  
胞兄李世富身死可否照犯時不知之律問擬咨請  
部示等因一案職等查律載本應罪重而犯時不知  
者依凡人論註云謂如叔姪別處生長素不相識姪  
打叔傷官司推問始知是叔止依凡人鬥法又例載  
卑幼誤傷尊長至死罪干斬決審非逞兇干犯仍准  
叙明可原情節夾簽請

旨等

語又檢查十一年四川省題陳廷榮毆死小功叔祖

陳倅禮一案又十六年雲南省題劉廷彥戕傷胞兄  
劉廷貴身死一案又是年安徽省題范憫剛戕傷小  
功堂兄范憫佐身死一案又十九年四川省題衛作  
威戕傷胞兄衛作良身死一案或因爭鬥或因捕賊  
誤傷期功尊長均依卑幼毆死尊長本律擬以斬決  
夾簽敬請改斬監候各在案惟卑幼捉姦誤殺犯姦  
之尊長因例內明知故毆者尚得准從寬宥故不知  
係尊長而誤毆者原其義忿之真情即准照犯時不  
知律科罪向亦辦有成案其餘因鬥誤傷照本律夾

簽之案不一而足此案李世得因追毆服侄李柱適  
伊兄李世富出視維時天色昏黑看視不真又應群  
犬相吠無從聽聞其兄聲音認為李柱用刀向扎不  
期致傷李世富左腿殞命即如所訊情節正與陳廷  
榮等四案情事相同自應循照辦理至犯時不知之  
律註內已載明晰未便以誤傷尊長之案悉照犯時  
不知律科斷以致罪有出入謹擬稿尾並抄錄各成  
案呈

閱

是否如斯恭候

直隸司

李世得

鈞定

華陽館

旨各

直律載本應重罪而犯時不知者依凡人論註云謂如叔姪別處生長素不相識侄打叔傷官司推問始知是叔止依凡人鬥法又例載卑幼誤傷尊長至死罪干斬決審非逞兇干犯仍准叙明可原情節夾簽請等語此案李世得因伊兄李世富之義子李柱向伊索欠爭毆李柱奔逃該犯携刀追至其門首適李世富出視維時天色昏黑看視不真又應群犬相吠無

富出視維時天色昏黑看視二子不願居之

從聽聞其兄教音誤認為李柱隨用刀向扎不期致傷李世富左腿殞命核其情節李柱業已被毆奔逃該犯仍携刀追趕即欲逞忿於侄亦應將所欲毆之人揪住認明縱不料係伊兄豈不慮傷及無干之旁人既據訊明並未見有他人又未聞有他人教音則是見聞已確何致傷至其兄且所欲逞忿之姪即係伊兄之義子恐有狡供避就情弊如果供情確鑿則因毆致誤自應照誤殺胞兄本律辦理向來各省卑幼因與人爭鬥或黑夜捕賊因而誤殺期功尊長之

案內照本律擬罪夾簽叢請與犯時不知之律註不符案閱服制甚重未便率從輕典致起捏飾遷就之端所有李世得一犯應令該督研訊明確仍按服制本律妥擬具題可也

檢查十一年四川省題陳廷榮因小功叔祖陳俸禮黑夜在屋後出恭該犯聽聞犬吠心疑有賊携刀出看黑影內見樹下蹲有一人疑是賊匪用刀毆砍其頂心等處倒地聽聞教音即行住手陳俸禮越四日



頂心等處倒地聽降者音即行斬首

殞命依致死小功尊屬律斬決奉

旨改

斬監候

又十六年雲南省題劉廷彥因馬文藻向其索欠詈罵馬文藻抓住劉廷彥髮辮擒按劉廷彥掙不脫身摸取菜刀向戡適胞兄劉廷貴從馬文藻背後攏勸維時天色已晚劉廷彥頭被擒按未經看見誤戡劉廷貴左腿殞命依毆死胞兄律斬決奉

旨改

斬監候

又安徽省題范惲剛因父范廣與表侄畢勇富口角

被控疑係范進唆訟登門叶罵范進取棍向范廣毆打該犯恐父受傷接住范進之棍向後拉奪適小功堂兄范咽佐趕勸趨攏該犯身後致被棍頭誤戳傷及臍肚殞命依毆死小功尊屬律斬決奉

旨改

斬監候

又十九年四川省題衛作盛因黑夜聽聞犬吠慮有竊賊持刀從屋側小巷走出查捕適伊兄衛作良亦執棍潛往捕賊該犯疑係竊賊即用刀上前向戳適傷衛作良胸膛倒地聞喊知係伊兄當即住手衛作

傷  
傷作良  
胞  
腔  
倒  
地  
聞  
哈  
知  
後  
伊  
兄  
當  
即  
住  
手  
律  
作

旨改

良次日頒命依卑幼毆死期親尊長論斬決奉  
斬監候

直隸司

李世得

年  
明  
紹

崇

湖廣司奉

大人交核湖北省題舒才貴戕死王富貴一案職等  
查例載祖父母父母為人所殺兇犯當時脫逃未經  
到官後被死者子孫撞過殺死者照擅殺應死罪人  
律杖一百等語此案舒才貴之父舒金被王章等共  
毆身死王富貴戕死舒金一目擬徒發配潛行逃回  
該犯過見攏竿王富貴拔刀向砍該犯奪過回砍致  
傷其頂心等處殞命是死者係共毆伊父身死案內  
餘人並非正兇該犯自不應以擅殺應死罪人擬杖

赦釋

國

鈞

且係擬徒在配逃回之犯並非徒限已滿及過

縣館

回

法已冲如有仇殺仍照謀故鬥殺辦理者可比自應  
以擅殺罪人科斷今該省將該犯依擅殺律擬絞尚  
屬允協應請照覆是否仍候

定

貴州司奉

崇

大人交核貴州省題穆全戩傷穆均身死屍母王氏  
誣告穆學詩等毆斃致屍遭蒸檢一案職等查此案  
穆均與穆基爭毆被趙勸之穆全用錐向戩適傷腎  
囊斃命屍母王氏因見屍身左右兩肋等處發變青  
色誤認為傷並憶及穆學詩等與穆均向有口角嫌  
隙疑係穆學詩等毆斃復捏砌穆學詩夾和不允賄  
囑仵作匿傷不報刑書改易供詞穆全被誘誣認等  
情赴控結求檢驗審係虛誣該省將穆全依律擬以

絞抵穆王氏雖誣執伊子傷痕因疑致控惟捏砌賄  
囑匿傷改供誣認重情並堅執求檢致屍遭蒸檢之  
條按律應擬滿流加徒該省將該氏依期親以上尊  
長律不應抵命者誣告人命致蒸檢卑初身屍照誣  
告人死罪未決律擬以杖一百流三千里加徒役三  
年並將聽從作詞抱告之穆成林隨同赴控之穆成  
林均依為從律擬以總徒四年均與例相符應請照  
覆是否恭候

鈞

定



鈞定

崇

彭

直隸司奉

大人交核直隸省咨王二小因姦商同姦婦姚氏謀殺本夫申月明傷而未死一案奉

大人批此係謀殺已傷之案似難率減杖流即有可原之情亦應俟秋審時核辦等因職等查此案王二小起意謀毒本夫申月明未死姚氏聽從下毒係屬謀殺已傷之案自應各按本律科以斬候絞候今該省以該氏等始則商謀下毒旋即懊悔趕救嚴請減姚氏王二小二犯均于斬絞各本罪上減一等擬流

鈞 閣

與例不符應駁令覆審另擬謹擬稿尾呈  
是否恭候

定後交司遵辦

查人命首重謀殺若姦夫姦婦商同謀殺本夫尤屬  
淫兇自應審明本夫是否縱姦及已未殺死各按律  
例治罪不得曲為寬減此案王二小與申姚氏通姦  
本夫申月明知情縱容王二小因姦情熱起意誑令  
申姚氏謀死申月明旨娶姚氏為妻向姚氏捏稱伊

申姚氏謀死申月明昏娶姚氏為妻向姚氏捏稱伊

夫欲行嫁賣不如將夫毒死免得賣與他人受苦并可作長久夫妻姚氏初猶未允後被王二小再三勸誘亦即允從王二小即將家存藥虫餘信用布包裏密交姚氏帶回姚氏乘伊夫外出將信毒挽入麪內走回母家瞥見王二小經過趕向告知下毒情由並問王二小何以知伊夫欲行嫁賣王二小答以捏造姚氏心生後悔當向抱怨王二小恐事發問罪亦生懊悔即令姚氏趕回毀棄毒麪姚氏因時已夜晚于次早回家見伊夫正在服食毒麪姚氏即奪下麪碗

掠棄並向伊夫哭訴情由伊夫旋即毒發嘔吐姚氏  
喊同隣人並通知伊父一同灌救痊愈申月明投保  
報驗姚氏亦自行投案該督以申月明之不死皆因  
該氏趕救所致與本夫受毒後自行救痊者不同將  
該氏於因姦同謀殺死縱姦本夫傷而未死者斬監  
候例上量減一等擬以滿流收贖並以王二小因姚  
氏向其查詢即行寔告復經後悔商令棄毀毒麪情  
亦可原將該犯於謀殺人傷而未死造意者絞監候  
律上量減一等擬以滿流等因咨部本部詳核案情

律上量減一等擬以滿流等因咨部本部詳核案情

姚氏聽信姦夫王二小控告伊夫欲將伊價賣之言  
輒敢聽從謀毒本夫越九日該氏乘間下毒走回母  
家向王二小問知係屬捏造始行翻悔該氏何以不  
問於商同謀毒之時而問於已經下毒之後且該氏  
既經後悔如果寔有不忍致死其夫之心明知麪內  
已下信毒豈不慮及伊夫必遭慘害何以不即夤夜  
赶回告知伊夫毀棄毒麪乃從容暇豫遲至次日始  
行回家幸值伊夫甫經服毒得以灌救痊愈否則受  
毒已深赶救已屬無及顯係該氏甘心聽從謀毒次

羊回家探聽適值伊夫正在服食毒麪恐毒發後被其道破因而假裝誤信後悔情形希冀伊夫聽信得以掩飾重罪是該氏所供懊悔趕救之言殊不可信至王二小既敢捏詞誣誘商令姚氏謀毒本夫蓄娶為妻其居心寔屬淫惡亦斷無蓄意欲殺于先因姦婦一言挹怨即懊悔于後之理即使姦婦姦夫後悔屬寔而所欲殺之申月明業已被毒在尋常謀殺人傷而未死尚難寬其縲首之罪況係因姦商同姦婦謀毒本夫一則名分所繫一則風化攸關豈可率為

謀毒本夫一則名分所繫一則風化攸關豈可率為

開脫即該氏等寔有可原之情亦只可俟秋審時酌  
量核辦未便於爰書甫定遽議寬減案情既多疑竇  
罪名有闕出入本部碍難率覆應令該督再行遴員  
研鞫確情按例妥擬具題到日再議

羊  
場  
館



崇

陝西司奉

大人交核陝西司題覆邱奉鳴誣控胞兄邱奉儀從  
逆一案職等查卑幼之于期親尊長係律得相為容  
隱如有控告即謂之于名犯義雖得寔亦杖一百被  
告尊長准照自首律免罪惟尊長謀逆准卑幼呈告  
不在干名犯義之限尊長依謀逆本律科斷卑幼免  
科但必須尊長寔係謀逆方准免其干犯之罪若係  
誣告在凡人誣告叛逆未決者尚應問擬斬候即誣  
告寔屬有因亦只可原情量減流遣不得全行寬免

況係期親尊長服制攸關一經控虛即為干犯自未  
便免其誣罪較之平人轉從輕宥此案邱奉鳴因胞  
兄邱奉儀出外三十餘年始行回家與該犯爭產涉  
訟經縣斷令該犯弟兄將產均分邱奉儀向伊索契  
欲變賣分產出外因此弟兄不睦邱奉儀跟官在外  
聞得京城逆匪滋事情形到家後常向人談及該犯  
心疑盤問邱奉儀酒後即以伊亦在逆匪之內回答  
該犯赴縣首告並以邱奉儀有欲毒死伊一家之言  
憑空捏造寫入呈內訊明邱奉儀係酒後被弟疑詰

憑空捏造寫入呈內訊明邱奉儀係酒後被弟疑詰

氣忿捏告並無從逆之事亦無欲毒死伊弟一家之言是該犯所控係屬虛誣該省以邱奉鳴誣告伊兄欲毒死一家按律加所誣罪三等罪應滿流惟誣告伊兄叛逆應從重斬候究屬事出有因仍請量減擬流原情定讞尚為平允若以邱奉鳴告伊兄叛逆不得謂為誣告應毋庸議仍依誣告伊兄欲毒死一家按律加所誣罪三等擬以滿流幸而該犯有誣告伊兄欲毒死一家一節得以反坐擬流設使控呈內並無此一節似難以毋庸置議擬結且平人誣告叛逆

鈞

有因者尚不能免罪焉有期親卑幼誣告尊長反輕  
於平人之理職等官見以應照該省所議辦理為妥  
是否如斯恭候  
定後交司照辦

生  
輝  
館

彭

浙江司奉

大人交核浙江省咨流犯區亞柱因搶奪擬軍在配  
行竊應否照例改發咨請部示一案職等查例載已  
徒已流而又犯罪者依律再科後犯之罪犯杖罪以  
下者各依後犯笞杖數決之充軍又犯罪亦准此又  
例載尋常竊盜問擬軍流徒罪在配在逃行竊審係  
一二次贓未至滿貫者徒罪復犯擬以滿流軍流復  
犯俱改發雲貴兩廣極邊烟瘴充軍若犯至三次者  
照積匪猾賊例擬遣又因搶奪問擬軍流徒罪在配

在逃犯搶奪如本係極邊烟瘴人犯有犯即發新疆當差其餘原犯軍流徒罪復搶一二次者寔發雲青兩廣極邊烟瘴充軍三次以上發新疆當差各等語此案區亞柱係因搶奪擬流脫逃被獲改發附近充軍之犯夏么兒係因竊擬流二千里脫逃被獲改流三千里之犯與區亞柱同發一配夏么兒起意糾允區亞柱在配所竊得楊松鶴衣物計贓三十兩零除起意行竊之夏么兒照例改發極邊烟瘴充軍外至區亞柱一犯先因搶奪發配固較之原犯竊盜者

至區亞柱一犯先因搶奪發配固較之原犯竊盜者

為重而在配僅止行竊並未復搶自應照律止科後  
犯之罪計贓為從罪止擬杖設如該撫所咨與夏公  
兇一體改發就兩犯而論似屬平允若將別項條例  
通盤核算則與因搶擬附近軍在配復犯搶奪一二  
次例發極邊烟瘴者無分軒輊且原犯之罪同一因  
搶發配而徒流五軍亦有重輕如逐條示以區分辨  
理殊多窒碍即如前後兩犯死罪秋審時分別寔緩  
之案如前後兩犯均係鬥殺共毆者雖後犯鬥情甚  
輕亦擬情寔懲其怙終也若前犯搶竊等項後犯鬥

問 鈞

殺共毆或前犯鬥殺共毆後犯竊搶等項仍視後犯  
情節輕重分別寔錄比類參觀似應將區亞柱仍照  
律科以後犯竊盜之罪較為允協謹酌擬稿尾呈  
恭候

定後交司遵辦

查律載已徒已流而又犯罪者依律再科後犯之罪  
犯杖罪以下者各依後犯笞杖數決之充軍又犯罪  
亦准此又例載尋常竊盜問擬軍流徒罪在配在逃



亦准此又例載尋常竊盜問擬軍流徒罪在配在逃

行竊審係一二次贓未至滿貫者徒罪復犯擬以滿  
流軍流復犯俱改發雲貴兩廣極邊烟瘴充軍若犯  
至三次者照積匪猾賊例擬遣又因搶奪問擬軍流  
徒罪在配在逃復犯搶奪如本係極邊烟瘴人犯有  
犯即發新疆當差其餘原犯軍流徒罪復搶一二次  
者寔發雲貴兩廣極邊烟瘴充軍三次以上發新疆  
當差各等語是行竊問擬軍流徒犯在配復行犯竊  
與搶奪軍流徒犯在配復犯搶奪各有治罪專條此  
素夏公免因竊計贓擬流二千里脫逃被獲改流二

千五百里區亞柱因搶奪擬滿流脫逃被獲改發附  
近充軍同發一配夏公兇起意糾允區亞柱在配所  
竊得楊松鶴衣物計贓三十兩零夏公兇應如該撫  
所咨合依因竊問擬流罪在配行竊審係一二次贓  
未滿貫例改發雲貴兩廣極邊烟瘴充軍仍照名例  
以足四千里為限面刺烟瘴改發四字至區亞柱一  
犯先因搶奪發配在配聽從行竊並未復犯搶奪自  
應照例仍科後犯竊盜計贓擬杖之罪如謂搶重於  
竊該犯前犯係屬搶奪不應較夏公兇之前犯竊盜

竊該犯前犯係屬搶奪不應較夏公兇之前犯竊盜

者為輕殊不思律例各有專條搶竊之案前後例不  
併計若將該犯與夏公兇一體改擬極邊烟瘴則與  
因搶毆軍人犯在配復犯搶奪者罪名又無區別且  
原犯之罪同一因搶竊發配而徒流五軍亦有重輕  
若逐條示以區分辨理殊多窒碍區亞柱應仍依竊  
盜贓三十兩杖九十為從減一等律杖八十照律刺  
字即在配所折責發落仍交原保管束所有該撫啟  
請改擬調發之處應毋庸議餘均如該撫所咨完結

子  
部  
館

彭

四川司奉

大人交核四川省題朱紹義強姦兄妻朱彭氏未成  
刃傷朱彭氏平復一案職等查例載親屬和姦律應  
死罪者若強姦未成發邊遠充軍又因強姦執持金  
刃兇器戕傷本婦未成姦者擬絞監候各等語至強  
姦有服親屬未成刃傷本婦例無作何治罪明文惟  
查凡人強姦未成罪止滿流親屬強姦未成則罪應  
邊遠充軍雖較凡人稍為加重至于刃傷本婦在凡  
人罪應絞候其有関服制之犯例內既不另立專條

未便再為區別有犯自應與凡人一例並論檢查十六年山西省呂公重強姦小功兄妻董氏未成刃傷本婦一案又十七年直隸省李時敏強姦小功服孀何氏未成刃傷本婦一案均依凡人強姦未成刃傷本婦例擬以絞候題結在案此案朱紹義強姦兄妻彭氏未成被彭氏扭住喊拏該犯用刀乱斫其左額顏等處並砍落牙齒二枚傷經平復其情事與呂公重等二案相同雖期服兄妻較之小功兄妻為重而兄妻和姦係律應死罪亦與李時敏案之姦小功服

兄妻和姦係律應死罪亦與李時敏案之姦小功服

閱 鈞

孀如係和姦亦律應死罪者相類既據該省將朱紹  
義比依強姦執持金刃兇器戕傷本婦未成姦例擬  
以絞候核與成案相符似可照覆謹具說帖呈  
是否仍候

定

年  
埠  
館



彭批

四川司奉

大人交核成繼富毆傷王楊氏身死一案奉

似有擬抵成案等因職等查律載夜無故入人家內  
主家登時殺死者勿論其已就拘執而擅殺至死者  
杖一百徒三年等語誠以夜入人家其情叵測事在  
倉卒故罪可從輕此案成繼富因素不認識之王楊  
氏瘋病復發黑夜掀開該犯竹芭門持棒走進屋內  
該犯睡醒驚起喊拏用木枋毆傷其左脰膊二十倒  
地又毆其右後肋等處三下經隣人點燈趨視認明

楊氏移時殞命寅夜進屋即為無故倒地復毆已非  
登時與夜無故入人家被主家已拘執而殺之律相  
符隨檢查十三年河南省題程四因素不認識之崔  
南方性情痴俊被毆卅日黑夜誤入該犯院內該犯  
疑賊吟唱崔南方跑走該犯與隣人將其追獲捆縛  
拴樹拷問迭毆多傷斃命又十七年江蘇省題朱潮  
功因素不認識之朱開沅瘋病復發黑夜入該犯家  
捧取白米將其拉住拷問懸吊毒毆斃命又十八年  
江蘇省史景成因素不認識之陳繼淋瘋病復發將

江蘇省史景成因素不認識之陳繼淋瘋病復發將

伊看守之船隻搖去該犯與隣人將其追獲捆縛項  
挂石塊殞命均依尋常共毆並威力制縛人致死本  
律擬絞監候題結在案此三案均依制縛後或迭毆  
多傷或毒毆重傷其人業已就縛不難詳視辨認乃  
輒將其毆斃則是有意逞兇死者又係瘋發無知之  
人予以絞抵自不為枉此案雖死亦瘋發無知而該  
犯黑夜驚醒持械捕毆寔係事在倉卒比前三案較  
輕又查元年浙江省題王中因林滿妹黑夜誤入該  
犯門內該犯疑賊舉棍向毆適傷其偏左殞命殺死

閤 鈞

生  
碑  
館

雖在登時而誤入門內尚未入人家內原題于門殺  
絞候上減一等擬流原屬酌情量減究無律例可靠  
未可援為定式今該省將成繼富擬以滿徒係援定  
律辨理似可照覆謹繕具說帖呈

是否恭候

定

崇

奉天司奉

大人交核奉天司議覆奉天府尹審擬李位等扎瞎楊玉芳兩目成篤一案職等查例載兇徒挾仇放火被害之人登時忿激致死者杖一百徒三年如殺非登時仍照擅殺罪人律擬絞候又擅傷罪人如毆至折傷以上按其擅殺之罪應以門殺擬絞者仍以門傷定擬又律載鬥毆瞎人兩目者杖一百流三千里各等語此案李位因楊玉芳借酒不遂挾嫌故燒伊堂弟李芳家場園穀垛本有應捕之責弟李位等事

後聽聞始將楊玉芳捆縛送官楊玉芳嚷罵並指李  
位等家防備將來亦欲失火李位隨令徐如栢借取  
鉄錠杆竹篾各一根徐如栢先用竹篾向楊玉芳兩  
眼嚇扎數下楊玉芳肆罵不休李位復用鉄錠杆在  
楊玉芳兩眼連扎數下致成篤疾是李位所毆楊玉  
芳雖係有罪之人惟傷在事後並非登時楊玉芳因  
傷身死李位應按擅殺律擬絞今傷而未死所毆在  
折傷以上自應照例仍以鬥傷定罪該府尹審將該  
犯依贖人兩目律杖一百流三千里與例相符應請

犯依瞎人兩目律杖一百流三千里與例相符應請

照覆是否仍候

鈞

定

奉天司

李

位

卷之三

年  
序  
館



崇

安徽司奉

大人交核安徽省咨徐采馨與小功弟妻章氏通姦  
被本夫徐蘭玉撞獲殺死章氏旋即自刎身死一案  
職等查例載本夫登時姦所獲姦將姦婦殺死姦夫  
當時脫逃後被拏獲到官審明姦情是寔姦夫供認  
不諱者將姦夫擬絞監候其非姦所獲姦或聞姦數  
日殺死姦婦姦夫到官供認不諱者姦夫杖一百徒  
三年又婦女與人通姦本夫並未縱容一經見聞殺  
姦不遂因而羞忿自盡者姦夫杖一百徒三年又姦

內外總麻以上親之妻者姦夫發附近地方充軍各等語又檢查嘉慶八年有直隸省民人孫豈色先與郭亮子之妻孫氏通姦後李四亦與孫氏姦好孫豆色妬姦往捉被李四毆傷孫豆色隱匿姦情赴縣具控致郭亮子聞姦將孫氏毆死郭亮子旋亦畏罪自縊身死該省以因姦釀成二命姦夫作何治罪例無明文仍從一科斷將孫豆色照本夫聞姦數日殺死姦婦例擬徒經本部議將孫豆色於滿徒上量加一等杖一百流二千里等因在案此案徐采蘩與小功

等杖一百流二千里等因在案此案徐采蘩與小功

弟徐玉蘭之妻章氏通姦被徐蘭玉撞獲欲控經徐  
采蘩之父徐弋江等央求寢息嗣徐采蘩復與章氏  
談笑又經徐蘭玉撞見即將章氏斥罵經老徐章氏  
勸散徐蘭玉氣忿是夜將章氏殺死復行自刎身死  
是本夫徐蘭玉于撞破姦情欲控寢息之後將姦婦  
殺死姦夫例應滿徒即婦女與人通姦經並未縱容  
之本夫殺姦不遂因而自盡姦夫亦止滿徒二罪相  
等應從一科斷徐采蘩係徐蘭玉小功服兄該省將  
徐采蘩依姦認麻以上親之妻姦夫發附近充軍例

上酌加一等擬以近邊充軍衡情尚屬允協且有八年直隸省孫豆邑由徒罪加等擬流之成案可為引証似應照覆是否仍候

鈞  
定

崇

陝西司奉

大人交核陝督具題焦月娃糾同達七十一等五人  
強搶無服族弟之妻張氏成婚一案職等查夥搶婦  
女之案例以有無水葛為斷若素有水葛之家曾經  
媒說未允例得照強奪婦女本律將首犯擬絞從犯  
擬流若素無水葛則不論曾否媒說應照夥搶婦女  
本例將首從各犯分別斬決絞候至例內素有水葛  
句下註明必寔有戚誼方以水葛論係指本有姻戚  
者而言若同族兄弟例不為婚有犯應行離異不得

與或誰並論此案該督舍夥衆強搶之本律乃以焦  
月娃係焦張氏故夫無服族兄先經央媒求娶未允  
因而起意強搶輒將焦月娃照強奪姦占本律擬以  
絞候為從之達七十一等減等擬流殊屬錯誤該司  
具稿議駁係屬照例辦理惟原稿尚有不甚分明之  
處謹另擬稿尾呈

是否仍候

定後交司遵辦

閱 鈞

查例載聚衆夥謀搶奪路行婦女或賣或自為妻妾  
及被姦污者並聚衆夥謀于素無水葛之家入室搶  
奪婦女無論曾否媒說為首者斬立決為從者絞監  
候若于素有水葛之家先經媒說未允因而糾衆強  
搶者仍按強奪姦占已未成本律例科斷註云必寔  
有戚誼者方以水葛論又律載強奪良家妻女姦占  
為妻妾者絞監候又例載強奪姦占為從之犯照為  
首絞罪減一等杖一百流三千里各等語此案焦月  
娃因無服族弟焦三盛保之妻張氏不能孀守欲行

改嫁該犯曾央達七十一媒說張氏祖姑因係同宗  
未允嗣將張氏憑媒許配魯五三子為妻擇期迎娶  
該犯不甘起意邀允達七十一等五人於張氏路過  
門首時一同攔搶至家達七十一等散後焦月娃將  
張氏強逼成婚旋經獲案該督叢稱焦月娃係焦張  
氏故夫無服族兄因聞張氏改嫁先經媒說未允起  
意糾搶強逼成婚將焦月娃依強奪良家妻女姦占  
例擬絞達七十一等照為從例擬流等因具題臣等  
查夥搶姦占之案例分有無水葛如素無水葛則不



查夥搶姦占之案例分有無水葛如素無水葛則不

論曾否媒說將首從各犯分別擬以斬決絞候原恐  
淫兇之徒明知素無水葛強搶姦占罪名綦重因而  
逆料不允先行媒說以為將來避重就輕地步是以  
例內詳志註明以憑引斷至水葛二字註又云必寔  
有戚誼者方以水葛論是指本有姻親又得相為婚  
配者而言若同姓係屬宗族不得謂之戚誼男女例  
不為婚有犯應行離異即不得以水葛論此案焦月  
娃謀娶已故焦三盛保之妻查焦月娃係焦三盛保  
無服族兄即使媒娶已成定例尚須離異乃因其另

行改嫁先行媒說未允輒起意糾約達七十一等五人于張氏經過門首時攔搶姦污自應照聚眾夥謀搶奪路行婦女例擬以斬決幫搶之達七十一等按例應擬絞候今該督舍夥衆強搶婦女之例于不問乃稱焦月娃係張氏故夫無服族兄先經媒娶未允起意糾搶成婚將焦月娃擬以絞候達七十一等擬流與例不符臣等碍難率覆再查為從之達七十一等或係濟惡幫同架拉抑或僅止隨同助勢情節均屬緊要亦應詳悉訊明以憑核辦該督原題內僅稱

閱緊要亦應詳悉訊明以憑核辦該督原題內僅稱  
達七十一等上前撲喊一同攔搶殊屬含混應令該  
督另委賢員詳悉確情按律妥擬具題到日再行核  
辦

集  
錄

安徽司奉

崇

大人交核安撫具題朱得名砍傷逃軍朱正朋身死  
一案職等查例載祖父母父母為人所殺先犯當時  
脫逃未經到官後被死者子孫撞遇殺死者照擅殺  
應死罪人律杖一百其先犯雖經到官擬抵或於遇  
等發配後潛逃回籍致被死者子孫擅殺者杖一百  
流三千里若本犯擬抵後減等問擬軍流遇

赦減

赦釋

回者

國

法已伸不當為仇如子孫仍敢復仇殺害照謀故殺

本律定擬入於緩決永遠監禁等語至將毆傷伊兄  
因風身死擬軍逃回之犯殺死作何治罪例無明文  
惟查嘉慶三年山西省白喜畛因喬良緒將伊兄毆  
傷身死擬絞遇

赦釋

回白喜畛為兄復仇將喬良緒謀死又十八年山東  
省沙幃棟因景自維將伊兄扎死擬絞遇

赦累

減釋回沙幃棟為兄復仇將景自維謀殺定案時將  
白喜畛等均照謀殺律擬以斬候秋審時以該犯等  
為兄復仇與為父復仇情事相類均比照為父復仇

殺害之例入緩永遠監禁在案此案朱得名因族弟  
朱正朋先將伊兄朱得位砍傷因風身死擬軍乘間  
潛逃朱得名撞過憶及兄被毆死恐其遠逃脫罪同  
弟朱得興等趕拏送官砍傷致死該撫以朱正朋由  
軍配潛逃係屬罪人惟朱得名等追趕之時朱正朋  
並未拒捕輒行迭砍致死寔屬擅殺朱正朋係死于  
朱得名所砍之傷將朱得名照擅殺律擬絞等因具  
題查兄弟之與父子雖服制名分不同而骨肉至親  
既目擊手刃伊兄之人由配所逃回其不與同國之

國

國

義與不共戴天之仇同一情不能忍參觀互証從前  
白喜吟沙惻惻二案死者係減等釋回

法已伸白喜吟等將其謀殺既得比照為父報仇之  
例入緩監禁則此案死者擬軍逃回

法未伸該犯朱得名將其斫傷致死自不能仍照尋  
常共毆之案科斷該省將該犯照擅殺律定擬絞候  
既與尋常鬥毆之案有別亦與為父報仇將擬抵減  
軍逃回人犯毆死擬以滿流之例有所區別所擬尚  
屬允協似可照覆是否仍候 鈞定後交司遵辦



帥

湖廣司奉

大人交核湖廣司議覆湖北省雷添印等毆傷武大才身死一案職等查核情節雷添印堂甥女武氏係已死武大才之堂妹因夫故居住母家守節武大才畝財勸嫁不允起意強嫁向人說合議定財禮約期接娶武氏之母查知欲將武氏送至胞弟家躲避因恐武大才攔搶邀約該犯雷添印並伊兄弟子侄等五人護送將武氏接走適武大才帶同娶主接娶撞過爭罵雷添印奪刀戳傷武大才殞命查武大才畝

財強嫁功服堂妹未成例應徒一年半本屬有罪之人該犯係被搶婦女之堂母舅雖律無服制而誼屬水葛且係聽從氏母糾往護送因而致斃人命科以擅殺較得其平該省將雷添印照尋常共毆律擬絞似未允協隨檢查嘉慶九年該省題習得進砍傷張志身死一案因張志冒財強嫁孀嫂劉氏該犯習得進係氏夫隣佑聽從氏夫堂叔幫拏將張志斫傷斃命該撫依擅殺律擬絞經本部改依鬥殺律題結在案是該省雷添印一案似係仿照習得進成案辦理

職等復查十四年奏定添纂條例內載凡非應許捉  
姦之人如為本夫及有服親屬糾往捉姦殺傷姦夫  
照擅殺罪人科斷等語。竊財強嫁之罪人其情罪與  
姦匪等因被搶嫁妻女而殺者向與毆死姦伊妻女  
之罪人同論。擅殺則無服親屬聽從氏家有服親屬  
毆死搶嫁之罪人亦應與非應許捉姦之人聽從有  
服親屬殺死姦夫者一例。同科從前習得進一案係  
在十四年定例以前是以由擅殺駁改鬥殺今既定  
有新例自應畫一辦理。職等復恐該省十四年以後

尚有似此照凡用定擬之案商之該司司員逐細檢  
查原據付覆自嘉慶四年起至十四年止按年逐細  
檢查並無辨過此等案件等因職等公同商酌雷添  
印一犯既有聽從糾往殺姦照擅殺科斷之例可以  
比引且被搶係堂甥女較之習得進案以不相干之  
隣佑而聽糾幫捕者更為親切又不虞成案兩歧似  
應將該犯改擬擅殺為允謹酌擬改尾呈

恭候

鈞 閱

定後交司遵辦

查例載凡非應許捉姦之人有殺傷者各依謀故鬥  
殺傷論如為本夫及有服親屬糾往捉姦殺傷姦夫  
無論是否登時俱照擅殺傷罪人科斷又律載罪人  
不拒捕及已就拘執而擅殺者以鬥殺論又共毆人  
致死下手傷重者絞監候各等語是不應捉姦之外  
人聽從有服親屬糾往殺姦例准照擅殺科斷則無  
服親屬被人啗財強嫁聽從氏家有服親屬糾往因  
而斃命之案自應一例同科此案武大才啗財強嫁

儒居堂妹武氏未成例應徒一年半本屬罪人該犯  
雷添印係武氏無服堂母舅因聽從氏母糾邀將武  
氏送至伊堂兄家躲避與武大才逢過爭鬥將其戳  
傷殞命查該犯與武氏律雖無服誼屬水葛既聽從  
氏母糾邀即有應捕之責自應照擅殺定擬該撫將  
雷添印依共毆律擬絞雖罪無出入究未允協雷添  
印應改依擅殺罪人以鬥殺論共毆人致死下手傷  
重者絞律擬絞監候秋後處決

崇

廣東司奉

大人交核廣東省題蔡牛仔等共毆致斃袁戊受等  
十一命案內正兇蔡四經麥樹欣各斃一命餘人蔡  
發仔蔡虔複均各毆有重傷先後在監在保病故等  
因一案職等查例載共毆案內下手應擬絞抵人犯  
遇有原謀及共毆餘人毆有致死重傷之人監斃在  
獄與解審中途因而病故者准其抵命將下手應絞  
之人減等擬流又同謀共毆致斃非一家三四命以  
上者原謀照例按致死人數以次加等問擬下手致

死之罪均各照例擬抵如原謀在監在途病故及畏  
罪自盡者下手之犯均各照例擬抵不准減等各等  
語至三四命以上之案如毆有致死重傷之餘人在  
監在途病故應否准其抵命將下手應絞之人減等  
擬流例無明文惟查一二命之案餘人病故准其抵  
命係與原謀病故准其抵命同例若毆斃至三四命  
以上例內既載明原謀在監在途病故下手之犯均  
各擬抵不准減等則毆有重傷之餘人在監在途病  
胡事同一例亦不應准其減等以昭畫一此案蔡牛



閱 鈞

仔等毆斃袁戊受等十一命雖非謀毆情同械鬥即  
有共毆足以致死重傷之餘人蔡牛仔蔡慶複二犯  
在監在保病故但共毆致斃已在三命以上未便將  
下手應絞之蔡四經麥樹欣二犯率准減等應請仍照  
該省所擬絞候辦理惟原稿內未將援例不准減等  
之故叙明尚未允協謹於稿內粘貼浮簽呈

是否如斯恭候

定後交司遵辦

1

2

3

4

5

浙江司奉

彭

大人交核浙江省各觸犯擬遣之邵懋春可否釋回  
咨請部示一案奉

批

此案似可據情核准其如何具題之處交館查議等  
因職等查此案據該撫散稱邵懋春前因觸犯伊母  
童氏呈送發遣恭遇十九年

恩旨

查詢犯母童氏不願領回今據童氏呈稱前因伊子  
邵懋春發遣未久未知其情性改悔與否是以不願  
伊子回籍今據伊媳由配回籍散稱伊子邵懋春到

配役追悔前非業已改過該氏推念骨肉願子回歸具結求釋等情查因觸犯擬遣之犯定例恭遇

恩赦

始准其查詢犯親願否令其回籍並無

赦後

再行查詢之例惟查王法本乎人情而送子發遣之

案遇

赦得

准向犯親查詢則為子者之應否回歸又明予犯親

以權使得自為專主是施法外之仁即仍寓委曲教

孝之意此案該犯之母童氏于十九年遇

赦查

詢時雖不願伊子回籍惟現據呈稱前係因伊子發

赦查

皇仁

遠未久未知其情性能否改悔即此而論若彼時伊  
子業已改悔該氏已有願令回歸之意今既據伊母  
童氏結稱已媳由配回籍訴述伊子邵懋春追悔前  
非業已改過該氏推念骨肉願子回歸若仍令羈留  
配所該犯不得遂烏烏之私尚謂孽由自作而犯親  
侍養無人桑榆暮景反無以自慰揆之天理人情似  
未為允協該犯係曾經過

詢之犯似可推廣

准其釋回行令配所廣東巡撫飭屬查明即將該犯

邱懋春解交原籍照例減徒折加釋放此後有似此案情均可照此辦理其未經遇

赦查

詢者仍不准查辦以符例意再查此案係由遣減等例應具題請

旨辦

理第止此一案未便專本具題現有直隸省上年軍流減等應行具題之本似可附入彙題以省繁牘是

否如斯恭候

鈞

定核交司遵辦

彭

廣東司奉

大人交核廣東省梁亞如穢言辱罵梁才先致令自  
縊身死聞拏投首一案職等查律載犯罪未發而自  
首者免罪損傷於人不可賠償者不在自首之律註  
云因犯殺傷於人而自首得免所因之罪仍從本殺  
傷法又聞拏投首之犯除律不准首外其餘一切罪  
犯俱於本罪上減一等等語律稱損傷於人凡死若  
傷皆是也其有死不由于傷而致死則寔由于該犯  
其人已死不可賠償罪坐所由自當以損傷于人論

此案梁亞如將泥水沾汚梁才先衣物被斥該犯用  
穢言辱罵致梁才先羞忿自縊身死是梁亞如向梁  
才先穢語辱罵致令自盡即屬損傷於人惟梁才先  
因事而死事屬無因可免猶之竊盜拒捕殺人聞拏  
投首得免竊盜拒捕之因准以鬥殺科斷而鬥毆殺  
人之案雖聞拏投首係無因可免仍應以鬥殺科斷  
穢語釀命與鬥毆殺人罪名雖殊其為損傷於人則  
一也隨檢查歷年並無辦過似此自首投首曾否減  
免之案惟查五年河南省張成一犯因姦拐林氏同



逃中途悔懼央人送回林氏被夫辱罵羞愧自盡免  
其所因誘拐之罪將張成依因姦釀命例擬徒咨結  
是因姦釀命與穢語釀命事同一例惟張成之釀命  
係在自首之後又與此案不符職等復以斬絞案內  
如因盜威逼人致死誣竊致死刁徒訛詐釀命蠹役  
詐贓釀命假差嚇詐釀命言語調戲致令自盡又軍  
徒案內如毆有致命重傷或重傷而非致命致令自盡  
此數項均無所因可免與此案異罪而同情若因其聞  
拏投首可以准其減等一等則知人欲告而自首即

可准減二等事未發而自首亦可照律免罪以有闕  
人命之斬絞重犯竟得免其全罪似非所以儆兇頑  
援彼征此舉一反三則梁亞如之穢罵釀命聞拏投  
首似亦不應准其減等為是謹擬改尾粘具說帖呈  
是 否 如 斯 恭 候

鈞 閱

定後交司遵辦

